

FASNACHT

SCHTÄRNEFÖIFI

Intro ^G Tä tä täää ^{D7} tä tätätä ^G tä tätätä
^G Tä tä täää ^{D7} tä tätätä ^G tä täää

Str: ^G Dusse isch en Rieselärme, ^{D7} los emal, ^G was cha das sii?
^G Gfürchig gschminkti Indianer ^{D7} ränned vor em Hus ^G verbii
^C Sie schüssed uf e Polizischtin ^G wo sich aber gar ^C nöd wehrt
^G Und d'Schtrass zum Bahnhof isch vo de Ffürwehr ^{D7} gschpeert ^G

Ref: ^C *Kei Angscht s'isch numme Fasnacht, es isch nüüt schlimms passiert*
^C *S'isch ändlich wider Fasnacht im Quartier* ^{D7}
^C *S'isch ändlich wider Fasnacht, das gfallt der garantiert* ^G
^C *S'isch ändlich wider Fasnacht im Quartier* ^{D7} ^C ^{G/H} ^{D7/A}

Intro Tä tä täää tä tätätä tä tätätä
 Tä tä täää tä tätätä tä täää

Str: Zwei Leue und zwei Pinguine üebed grad en Salsaschritt
 Und lueg deet, de Lehrer lauft als Huen bim Umzug mit
 Da chunnt e Gruppe Schachfigure: Rössli, König, Läufer, Turm
 Und alli Chind vom Turnverein, die sind en lange Tatzelwurm

Ref: *Kei Angscht, s'isch numme Fasnacht ...*

Str: Am Aabig gits en Maskeball mit Musig und mit Tanz
 S'Krokodil will hei, sie schtönd em schtändig uf de Schwanz
 D'Trumpete tönt es bitzli faltsch und d'Trummle tönt vill z'luut
 Am Bär isch's e chli schlächt und d'Brüleschlange zeigt vill Huut

Ref: *Kei Angscht, s'isch numme Fasnacht ...*